

太平寰宇記

第三十二冊

太平軍年記

卷之十二

太平寰宇記卷之一百三十一

淮南道九

黃州

漢陽軍

黃州

黃州

齊安郡今理黃岡縣

春秋弦子奔黃卽齊之與國也又爲

魯附庸邾國之地今郡東南一百三十里臨江與武昌相對有古邾城是也卽史記謂昔顓頊之末孫有陸終者產六子第五子別爲曹姓歷代不絕至武王伐紂之後因封其裔子挾于邾爲諸侯卽此城也後爲黃國之境戰國時屬楚秦并天下置

郡此卽南郡之地也漢爲江夏郡西陵縣地三國
時初屬魏吳赤烏三年使陸遜攻邾城常以三萬
兵守之是此地晉爲西陽國宋爲西陽郡齊又分
爲齊安郡北齊天保六年于舊城西南面別築小
城置衡州領西安一郡陳武帝復廢衡州後周又
置之至隋開皇三年罷衡州以齊安郡爲黃州煬
帝初廢州又爲永安郡唐武德三年復爲黃州置
總管府管黃蘄亭南司四州黃州領黃岡木蘭麻
城黃陂四縣其年省木蘭縣分黃岡置堡城縣分
麻城置陽城縣仍于麻城置亭州于黃陂縣置南

司州七年廢南司州及亭州縣並屬黃州仍省堡城入黃岡貞觀元年罷都督府天寶元年改爲齊安郡乾元元年復爲黃州中和五年移于舊邾城南與武昌對岸

領縣三

黃岡 麻城 黃陂

州境

東西二百五十里 南北三百三十五里

四至八到

東北至東京一千九百里

西北至西京一千七百里

西北至長安舊路二千二百八十里取隨州路一千九百里

東至蘄州一百五十二里

南至鄂州武昌縣隔大江對岸

西南漢陽軍沿江路一百五十八里

北至光州七百里

東南至蘄州蘄水縣一百二十里

西南至鄂州一百五十里

西北至安州五百五十里

東北至光州固始縣五百七十七里

戶

唐開元戶一萬五千五百一十二

皇朝戶主七千三百四十二客三千六百九

風俗

同州 蕲

人物

無

土產

連翹

松蘿

白苧布

質布

見貢

白花蛇

長尺餘可

治風疾

黃岡縣

舊十五鄉今十三鄉

本漢西陵縣地屬江夏郡齊曰南

安縣地北齊置巴州後周又爲弋州皆此邑城隋于此立郡理焉唐中和五年隨州移就大江邊

木蘭山在縣西一百二十里舊廢縣取此山爲名

今有廟在木蘭鄉 永安城卽楚相黃歇所都隋

改黃州爲永安郡取此爲名今有永安鄉在縣北

約六十里 崢嶸洲卽劉毅破桓玄於此洲在大

江中與此山相近 舊州城在縣西北一百一十

七里 舊州河在縣西北一百一十二里水流至

團風大江口 白沙關在縣北一百二十里

麻城縣 東北一百七十里 本漢西陵縣周大象元年

舊四鄉今六鄉

置麻城縣唐元和三年三月併入黃岡縣後復置之山原出茶 木陵山山上有城在縣東南一十里 岐亭河在縣西北八十里唐武德三年于縣置亭州取此爲名 三角山在縣西北一百里

龜鶴山 甌山 白額山 白額龍潭皆在縣境

黃陂縣

西北一百八十四里舊八鄉今五鄉

本漢西陵縣北齊武帝置

南司州後周置黃州大象元年開拓淮于古黃州

西四十里獨家村置黃陂縣屬齊安郡 武湖在

縣南二十里宋謝晦爲檀道濟所攻敗走被武湖

戍主執送建鄴卽此地也 松湖郡國志云黃陂

有喬松故謂之松湖 大闊關在縣東南一百九

十步 鵠翅山 魯毫山 木蘭山皆在縣境

漢陽軍

漢陽軍

理漢陽縣

故沔州也春秋時鄖國地左傳曰鄖人

軍于蒲騷杜預注云鄖國在江夏郡雲杜縣東南
楚滅之按鄖國卽安州城是也戰國屬楚秦并天
下爲郡此卽爲南郡地在漢爲安陸縣地後漢爲
江夏郡三國志云魏初定荊州屯沔陽以爲重鎮
初使文聘爲江夏太守繼屯沔口吳大帝累攻不
克在吳亦爲重鎮使陸遜屯之故輿地志云魯山

臨江盤基數十里山下有城卽吳江夏太守所理之地晉立沔陽縣屬江夏郡故晉書云永嘉六年王敦表陶侃爲荊州刺史鎮沔州蓋此宋齊梁因之後周于此置復州隋大業初改爲沔州蓋以沔水爲名尋改爲沔陽郡則通有今竟陵之地唐武德四年討平朱粲分沔陽郡置沔州天寶初改爲郡至太和二年四月鄂岳道節度牛僧孺奏廢州以其地入鄂州四年又置復廢入鄂州周顯德五年平淮南與江南畫江爲界江南以漢陽汭川二縣在大江之北故先進納世宗以汭川隸安州以

漢陽縣置漢陽軍仍析漢陽地置漢川縣以屬焉

領縣二

漢陽 漢川

軍境

東西九十二里

南北二百四十里

四至八到

北至東京九百八十里

西北至西京一千四百四十里

西北至長安二千二百五十里

東至鄂州大江中流爲界三里至鄂州七里

南至復州陸路八百里水路七百里

西取銅冢路至復州四百六十里

北至黃州二百三十五里

東南至鄂州七里

西南至復州水路七百里

南至安州二百八十里

東北至鄂州界七里

東北至黃州水陸相兼二百二十里

戶

舊戶隸鄂州

皇朝戶主一千四百三十九客二千二百八十

風俗

同鄂州

土產

貲布

茨仁

藺茹

菱仁

以上物貢

漢陽縣

舊六鄉今四鄉

本漢安陸縣地屬江夏郡宋書州郡

志云晉于臨嶂山置沌陽縣屬江夏郡隋開皇十

七年置漢津縣大業二年改漢津爲漢陽縣以在

漢水之南居嶂山之陽爲名 卻月城與魯城相

對以其形似卻月故荊州記云河口北岸臨江水

有卻月城魏將黃祖所守吳遣董襲攻而擒之其

城遂廢 魯山劉澄之永初山川記云沔陽縣東
有魯山山上有胡公祠荊州圖副云魯山城內有
晉征南將軍胡奮碑又有南平將軍董廣之碑爲
討魯刻石以記事 赤壁按荊州記云臨嶂山南
峯謂之烏林峯亦謂之赤壁江右圖云烏林爲赤
壁卽吳志所謂操臨荊州孫權遣周瑜程普爲左
右督領萬人與劉備俱進遇于赤壁卽此地也
漢水一名沔水西自漢川縣界流入劉澄之永初
山川記云沔口古文以爲滄浪水卽屈原遇漁父
所云滄浪之水清兮是也按韓詩云孔子聞孺子

歌曰滄浪之水清兮可以濯我纓則知是古歌非
漁父所作蓋諷之 沔水水經注云沔水上承沔
陽縣之太白湖東南流曰沔水 灋水水經注云
江水又東合灋口水上承沔水于安陽縣而東經
灋陽縣北東流注于江 刀環河以河形灣曲象
刀環

漢川縣

北一百六十里今六鄉

析漢陽縣之地隨軍置漢川縣

在江之曲 故甌山城在縣東南四十五里梁天

監中置甌山縣周大象三年廢

校勘

漢陽軍

漢陽縣

總序

宋書州郡志云晉于臨嶂山置沌陽縣屬江夏郡

按宋志江夏郡有沌陽縣無晉于臨嶂山置縣之文

太平寰宇記卷之一百三十一終